

وأنا هافضل ليه..؟؟؟

لما تلاقيني خرجت منك
والمسافة ما بنا خلاص بدأت تزيد
مهما كنت ساعتها جمبك
برضه هاكون عنك بعيد



وأنا هافضل ليه..؟؟
ف مشاعر ساذجة عبيطة وخايبه
وعلاقة ف مرحلة الانعاش
وأنا هافضل ليه..؟؟
اتعلق تانى بحبال دايبه
واحلم بحاجات انا ما لقيتهاش
علاقتنا..

سنة بسنة واخر خيط مربوط بيدوب

وميزاتنا..

واحدة واحدة بتتحول لعيوب..



انا عايز قلب مع الايام يبقى معايا

يفهمنى من غير ما اتكلم

ولا سكة امشيها ولا بداية

غير أيده ف ايدى ومصمم !!..

